

Guolleváriiddikšunmáksu

Guolleváriiddikšunmávssu galgá máksit, jos lea 18-64-ahkásaš ja guolásta vuokkain dahje bivdosiin dahje bivdá reappáid. Guolleváriiddikšunmáksu addá vuoigatvuođa ovtta vuokkain guolásteapmái measta olles riikkas, muhtumin guollebivdi dárbbáša lassin čáhceguovllu eaiggáda lobi. Guolleváriiddikšunmávssuin dikšut guollečáziid ja guollenáliid sihke bearráigeahččat guollebivddu ja rávvet guollebivdiid. Guolleváriiddikšunmávssu vuođđu lea guolástanlágas. Lassidieđuid oažžu Eräluvat.fi-siidduin ja bálvalannummiris 020 69 2424.

Máksingeatnegasvuohta

Guolleváriiddikšunmávssu galgá máksit jos lea 18-64-ahkásaš ja guolásta vuokkain dahje bivdosiin dahje bivdá reappáid.

Guolleváriiddikšunmávssu ii dárbbáš máksit, jus dušše oaggu, bilke dahje bivdá sallitvuokkain dahje lea vuollel 18-jahkásaš dahje jo deavdán 65 jagi. Guolleváriiddikšunmávssu oažžu goittotge máksit dallege – dat lea investeren lundui.

Guolástanvuoigatvuohta

Guolleváriiddikšunmáksu addá vuoigatvuođa guolástit vuokkain measta olles riikkas ja stáhta almmolaš čáhceguovlluin mearas. Mánggáin stákkuin guolásteapmi ja bivdosiiguin guolásteapmi gáibida guolleváriiddikšunmávssu lassin guolástanlobi čáziid guovdu. Daid vuodá čáhceguovllu eaiggát, ovdamearkan stáhta čáziin Meahciráđđehus.

Ráddjehusat lea ráfáidahtton čáhceguovlluin, sierra lobi gáibidan sierračuožahagain dahje guoika- ja rávdnječáziin main leat vádjolanguolit. Neahttabálvalusas Kalastusrajoitus.fi sáhtta dárkkistit kártavuodus guolástangildosiid ja -ráddjehusaid.

Guolleváriiddikšunmáksu ii atte vuoigatvuođa Álánddas.

Mávssuid geavahančuožahagat

Meahciráđđehus máksá mávssuid mánotbajiid mielde eana- ja meahccedoalloministerijai. Čoggon ruđaiguin bajásdoallat guolástanvejolašvuođaid ja atnit fuola čáhceluonddus.

Várit miedihuvvojit guolledoalloguovlluide guollenáliid suvdilis ávkkástallama ja dikšuma plánemii, čáhceguovlluide eaiggádiidda buhtadussan čáziid ávkkástallamis, organisašuvnnaide rávvenbálvalusaide ja guolástanbearráigeahčču sihke eará doaibmiide ja fidnuide, maiguin buoridit guliid eallindiliid.

Haddi ja fámusleahkin

45 € / jahki
15 € / vahkku
6 € / beaivi

Guolleváriiddikšunmávssus lea álo sáhka kaleandarjándoriin ja – jagiin, muhto vahkkomávssu fámusleahkima sáhtta álggahit ieš válljen vahkkobeavivis. Hattiid mearrida riikkabeavivvit guolástanlágas.

Vuovdinbáikkít

- Eräluvat.fi-neahttagávpi
- Bálvalannummir 020 69 2424 (árgan dmu 9-16)
- Meahciráđđehusa lohpevuovdinbáikkít
- R-kioskkat (+ 3 €)

Máksinduođaštus

Guolleváriiddikšunmáksu lea persovnnalaš, muhto dan sáhtta skáhppot maiddá nuppi olbmui. Lobi hálldašeaddjis galgá almmuhit nama, oktavuodadieđuid ja riegádanáigi (ii persondovddaldaga). Guolleváriiddikšunregistara bajásdoallá Meahciráđđehus.

Mávssus addojuvvon kuite lea duođaštus guolleváriidmávssu máksimis. Máksinkuite galgá doallat mielde guolástettiin ja bivdedettiin čájehit virgeoapmahažžii dahje guolástanbearráigeahččái báberhámis, plastthámis dahje elektrovnalažžan. Maiddá guolástanakoarta lea duođaštus guolleváriiddikšunmávssus. Dat sáddejuvvu olles jagi guolástanmávssu máksán olbmuide Suomu bláđi mielde cuoŋo-golggotmánus

Jus guollebivdis ii leat duođaštus mielde, son mearriduvvo galledit čieža beavivi siste bolesstašuvnnas čájeheamiin duođaštusa, ahte guolleváriiddikšunmáksu lei fámus guolástettiin.